

(De ingenti [a] pugna inter Cremonenses et Mediolanenses
apud Castellum Leonis.)

CAP. CXL.

Sub anno Domini MCCXIII. in die Pentecostes, cum Mediolanenses, Placentini, 12/3.
Laudenses, Novarienses, Vercellenses, Alexandrini, Comenses [b], cum aliis eorum 2.
amicis, exceptis [A] Brixiensibus, apud Castellum Leonis magnum congregassent exer-
citus, in cuius belli initio Cremonenses longe extra castra eorum expulsi sunt, tunc
quidam Mediolanenses ambulantes per Cremonensium castra, labe infecti lupina [c],
ingludas tunc [d] carniū oretenus bullire [e] videntes, fortiter coeperunt cum avi-
ditate comedere, et magis intenti praedae quam pugnae, liberantur armis [f] atque
vexillis. At ubi Cremonenses intelligunt Mediolanenses paucos esse ad pugnam, re-
sumptis cum audacia viribus, castra, quae turpiter amiserant, gloriose in brevi recu-
peraverunt; et tunc Mediolanenses carrocium amiserunt et armorum et scutorum
multitudinem copiosam, unde hodie palatium Cremonensium decoratur. In quo bello
soli Cremonenses fuere.

De alia clade [g] Mediolanensium.

CAP. CXLI.

In nomine Domini MCCXIII. Mediolanenses cum suis viribus et amicis de Lombardia
advenierunt in obsidionem Cassellae [h], et ibi a Papiensibus solis capti sunt [i] et in-
terfecti. Et ibi deterius habuerunt quam hostibus [j] intulissent apud Castrum Leo-
nis, excepto quod non amiserunt carrocium.

Quando copbusta est magna pars civitatis Faventiae.

CAP. CXLII.

Post admirabilem Virginis partum anno Domini MCCXIII. P. M. accensus est 12/4.
ignis in civitate Faventiae, die quinta mensis Iulii, in parochia Sancti Ioannis in Scla- 12/5.

[a] De ingenti etc. Titulus deerat in Codd. — [b] Comenses. Sic C. V.; cum men, C. M. — [c] labe infecti lupina. Sic lego cum C. V.; Lebe infecti lupina, C. M. — [d] ingludas tunc. Sic Codd. et sic legit cl. Mitt. An legendum ingentes tunc carniū ollas? — [e] oretenus bullire. Sic lego. Codd. habent ora te. — [f] liberantur armis. Sic cl. Mitt.; sternerunt armis, C. V. — [g] De alia clade etc. Titulus deerat in Codd. — [h] Cassellae, C. M.; Casellae, C. V. — [i] et ibi a Papiensibus solis capti sunt, C. M.; et viri Papienses soli capti sunt, C. V. — [j] quam hostibus. Sic lego. Quam hostiliter, cl. Mitt.

[A] Brixienses enim favebant Friderico regi Siciliae, ideoque adversabantur imperatori Othoni.